



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XII. D. Augustinus monasticum institutum ex Italiâ infert in Africam,
ibidemque exercet constructo tuguriolo.

urn:nbn:de:hbz:466:1-42857

bitanti, genua figentibus ex more, atque incumbentibus terra Augustino & sodalibus, orationemque breuissimam quidem, sed affectu calido fundentibus, ex insperato salus integra diuinitus est restituta.

CAPVT XII.

D. Augustinus monasticum institutum ex Italiâ infert in Africam, ibidemque exercet constructo tuguriolo.

INDE cum Alipio & Euodio, boni omnis comitibus (prior à tristitiæ absentia seu indolentiâ, posterior à boni odoris fragrantia dictus videtur) natale solum reuifens, monasticum vitæ statum (prout inter eos conuenerat, dum in Italiâ degerent) exercere cœpit, secedens non procul à Tagastâ, ibidemque rure triennium permansit. Principio enim reditus sui in patriam, quod ex facultatibus parentum supererat, diuendit Augustinus, & ex eo partem quidem dedit Christi pauperibus, parte vero alterâ sibi sociisque tuguriolum in eremo construxit, & ibi cum fere centum religiosiis fratribus vitam Monachi traduxit: quam multis parasangis dicit antestare libertati Clericorum, qui inter sæculares degunt. *Hos, enim, agere ubi viuere discitur, illos ubi uiuitur.* In quibus autem pietatis officiiis

q. αλύπος.

Baron. t. 4.
ann. 389.

& t. 5. 395.
Theatrum
vitæ hum.

T. de ijs
qui vitam
Eremicâ
sunt am-
plexi.

Ribadineira.

Sigebertus
Epistolâ ad
Maced.

Marian. in
Regulam
S. August.
Volater.

commētar.
de Anthro-
pologiâ.

Aeneas
Siluius, &c.

officiis se potissimum exercuerit, refert Possidius: *A se iam alienatis curis secularibus, cum eis qui eidem adhaerebant, Deo vivebat, ieiunijs, orationibus, bonisq; operibus vacans, in lege Domini meditans die ac nocte; & de ijs quae Deus sibi cogitanti atque oranti intellecta reuelabat, & praesentes & absentes sermonibus ac libris doctebat.* Ceterum toto illo triennio religiosus, verum laicus, Deo feruentissime seruiuit: ac sub medium triennij quo in eremo est commoratus, scripsit, Baronio teste, librum De Magistro; duos autem contra Manicheos De Genesi: absoluit praeterea libros De Musica, & addidit Commentarium aduersus Manicheos De vera Religione. Quare illud Isaiaë 43. illustre vaticinium, *Glorificabit me bestia agri, dracones, (secundum LXX. Interpretes, sirenes, benedicent mihi)* fecit ut de se quoque, si de alio quopiam, dictum videri posset: voluptatum enim blanditijs antè delinitus, postmodum asperitatem crucis Christi in Euangelio commendatam est amplexus; & qui apud plerosq; mortales inanis sapientiae nomine tumefactus, omnia ad ingenitæ rationis lumen, ac philosophiæ velut perpendiculum exigenda ratus fuit, intellectum quasi captiuum tradendo, crucem gentibus stultitiam cum Apostolo est

D. Augustinus ex
dracone
siren.

secutus: adeoque ex dracone seu fidei ob-
trektatore in sirenem transijt; dum vitæ
sanctimoniâ, piis meditationibus, iugi ora-
tione, & in primis verbi diuini prædicatio-
ne, tamquam suauissimis vocibus, eadem
fidei mysteria quæ prius respuebat, cecinit;
quo simul concentu, (longè aliter quàm
sirenes illæ, quæ in bonorum & vitæ nau-
fragium incautos pelliciebant) plurimos
mortales ad salutem æternam pertraxit. Ad
quam vt ipse, compluresque alij; velut in-
genti meritorum merce securius perueni-
rent, cœnobiticæ militiæ vexillum (sub
quo iam antè militabat) Dei impulsu no-
uum ibi erexit. Est enim illa in opportuni-

*Quouis auo
Ecclesia sua
Deus suffi-
cit duces
nouos cõtra
nouos hostes*

tate adiutoris Dei benignitas, vt Ecclesiæ
hæreticorum furoribus oppugnata, quouis
auo de nouo duce, deque nouâ Religioso-
rum hominum societate prouideat; ac de-
ficiente vno, repentè sufficiat alterum: vt
pænè nostro sæculo factum videmus; quo
cùm pestilentissimorum sectariorum ex-
trema debaccharetur in Catholicos insa-
nia, peropportunè de inani militiâ sæculi
huius, ad spiritualis vitæ militiam traduxit
B. Ignatium Loyolam, qui lectissimos mi-
lites in vnum ordinem religiosum coëgit,
verbo & exemplo Catholicam fidem stre-
nuè defendentes, adeoque planè diuerso

*Societas
IESV.*

hære-

hæreticis more, in Romani Pontificis verba iurantes. Sic cùm Albigenfes pacis turbatores Ecclesiam Christi depopularentur, tum veluti de cælo submissi fuère duo præstantissimi duces Franciscus & Dominicus, qui stupendâ vitæ sanctimoniâ doctrinâque, cùm per se tum per sui imitatores opem mundo laboranti attulère. Sic denique, vt ad institutum redeamus, dcc: circiter annis antè, cùm grassarentur hæreses Arii, Manis, Pelagij & Donati, in tantum vt diuorum Pauli, Antonij, & Hilarionis sectatores, in absurdos errores, præsertim Origenis prolaberentur, instigante in primis Euagrio, homine malitiosissimo, submissus est Ecclesiæ laboranti in auxilium D. Augustinus, tamquam dux inuictus, qui & Religiosus esset, & religiosi cœtus existeret institutor, qui errantes ad veritatem reuocare doctrinâ suâ posset, qui hæreticorum audaciam reprimere, eosque scriptis conuincere, qui veros Catholicos ad maiorem sanctitatem inflammare valeret, qui deinde lapsis emendationem vitæ persuadere posset, ac orbem vniuersum ad auream primitiuæ Ecclesiæ excellentiam reducere conaretur, & suo & collegarum exemplo non antè in Africâ vsitato.

DD. Franciscus & Dominicus strenui Ecclesiæ duces.

Baron. anno 388.